



28. april 2022

UPA2022/53/54

**Tasiilami adventure efterskolemik pilersitsinissamik Naalackersuisut peqquneqarnissaannik siunnersuut.**

(Inatsisartunut ilaasortaq Harald Bianco, Inuit Ataqtigiit)

**Tasiilami efterskolemik pilersitsinissaq siunertaralugu pilersaarummik UPA 2023-mi Naalackersuisut saqqummiusseqqullugit Inatsisartut aalajangiiffigisassaattut siunnersuut**

(Inatsisartuni ilaasortaq Mala Høy Kúko, Siumut)

Tasiilami adventure efterskolimik pilersitsinissamik Naalackersuisut peqquneqarnissaannik siunnersuut. Aammalu Tasiilami efterskolimik pilersitsinissaq siunertaralugu pilersaarummik UPA 2023-mi Naalackersuisut Saqqummiusseqqullugit peqquneqassasut Inatsisartut aalajangiiffigisassaattut siunnersuut pillugu Siumumiit imaattumik oqaaseqassaagut.

Qujanaq siunnersuuteqartunut Harald Bianco adventure efterskole pillugu naalackersuisut peqquneqarnissaannik siunnersuut aamma Mala Høy Kuko efterskole siunnersuuteqarneranut.

Tasiilami ilinniarfinnik maluginiakkannik kinguarsimanerput kitaamiunut naleqqiullugu malunnartumik ingerlaneq.

Maannakkut siunnersuuteqartut takutippaat uaguttaaq aamma Tasiilap inerisarneqarnissaanut aamma peqataassapput ersarissarneqartoq.

Taamaammat uku siunnersuutit qimerlooreerlugit ima Siumumiit isumaqarpugut.

Pisariaqavippoq nunatta immikkoortuani ineriartorneq una pilersaarummik saqqummiisup tikkuartugaanut tulluuttoq malersussallugu.

Tasiilami inuttat piginnaasaat tassani isiginiarneqarnissaat pisariaqarpoq, tassa kulturikkut pisoorsuunerput ima issaritigaaq allaat qanittukkut KNR TV, aammalumi Social mediikkut takuarput kulturikkut pikialaartitsinerit ingerlaneqaqqammersut takutitsilluarnermikkut malunnartumik tassuunakkut inuttat eqeersagassaanginneranut takussutissaavoq.

Adventure imlt. nalinginnaasoq efterskoliuppat tassa imasaanik immikkuullarissunik inuttat piginnaasaat aallaavigalugit una pilersaarusiornarneqassaagut.

Pingaarnerpaavorli tassa kulturikkut nunatsinni tammatsaaliinikkut inerisaanikkullu una efterskole pilersaarusiornarneqartariaqarmat.

Islandimiit angallaneq suli annertuseriaannaassaaq siunissami aamma saniatigut immikkut taarusupparput paasisassarsiornerit assigiingitsut danskisut taallugu "orienteringsrejse" nunat avannarliit killiit paasisassarsiorfiginissaanut una pilersaarusiornarneqartoq periarfissagissaarnerpaassammat nunatsinni allani efterskolit eqqarsaatigalugit.



Saniatigullu suleqatigisinnaasatta ilagaat Islandimi Kopavog Kommune aamma Skak-klubben meeqqanut suliniutigisartagaannut assut suleqataaffigitsinnissaannut, Siumumiit tulluartuttut isigigatsigu taamaammat Kultureqarnermut Ilinniartitaanermut Naalakkersuisoqarfik uani suliani Kommuneqarfik Sermersooq pilersaarummut tulluartuttut isigivarput ilanngunnissaa. Taamalu immikkut pilersaarudioqatiginerisigut una suliaq assut piukkunnartutut isigatsigu. Uani ilanngullugu nunat avannarliit suleqatigiinnerannut pilersaarut assut tulluartikkatsigu Islandimi Skakklubben aamma Kommuneqarfik Sermersooq uani misilittakkanik ukiuni arlaqartuni ingiaqatigeeqqissaarlutik pilersaarummik ingerlataqarnikuunerat assut ilanngutissallugu ataatsimiitsitalianut susassaqtartunut ilanngutissallugu tulluarpoq.

Saniatigut aamma Tasiilami timersortarfik pigineqarpoq aamma Minihal periarfissaallutik aamma silami sammisassat ilagaat qimussinik qimuttunik nakkutiginnissinnaaneq aamma Tasiilap kangerlua qaannamik imarluttannginneranut periarfissatut taarusupparput, saniatigullu qaqqanut angalanermik ilisimasalinnik Tasiilaq ulikkaarluni.

Uani eqqaarusupparput avataaniit tikinneqarnissaanut ammasariaqarmat. Piffissanngorpoq nunatsinni inuusuttut efterskolertut nuna allamiunik peqateqarlutik avitseqateqarlutillu ilinniarsinnaanissaat. Taamaattumik Efterskolit nunatta avataaneersunit qinnuteqarfigineqarsinnaallutillu tiguisinnaanissaat ammaanqartariaqartoq Siumumiit isumaqarpugut. Tamannalu aammalu efterskolit aningaasarsiutigisinnaasariaqarpaat.

Siumumiittaaq isumaqarpugut oqaatsip atulersimasatta "Efterskolip" ullumikkumut tulluarsarnissaa pissusissamisoortoq, taamatuttaaq efterskolip nunatsinnut tulluarsarnera ataqqillugu nutaamik atsertariaqaripput.

Naggataatigut inuusuttuaqqat takornariaqarnermik takusassanik ulikkaarput, ulluni makkunani Tasiilaq sumut tamaat qiviarfissaq takornarianik ulikkaarpoq, uanilu kitaani efterskoleqarfinni takussaannngitsunik tassa Tasiilap takornariaqarnikkut ingerlalluarnera Siumumit taasinnaavarput efterskoleqarfinni allani siuarsimanerummat.

Siumumit taamatut oqaaseqarluta siunnersuut ataatsimiitsitaliamut susassaqtartumut ingerlateqqinneqarnissaa innersuussutigaarput.

Dines Mikaelen, Siumut